

NÎ-HI-BÍ (16)

1 Hap-ka-lī-a ê kiáⁿ Nî-hi-bí ê kì-liók.

Tng jī-cháp nī, Ki-su-liū gèh, goá tī Su-san ê ông-kiong; ²hit-sī goá ê hiaⁿ-tī chit-lâng, miâ-kiò Hap-ná-nī, kap kúi-nā ê Iū-tāi lāng lâi; goá tùi in m̄ng-kàu hiah ê tô-thoat ê Iū-tāi lāng, chiū-sī siū-liáh ê tiong-kan só· chhun-ê, kap Iâ-lō·sat-léng ê sū-chêng. ³In kā goá kóng, Hiah ê siū-liáh-ê tò-lâi só· chhun lâu-teh ê lāng, tī séng-lāi tú-tiòh toā hoān-lān, siū lêng-jiók, koh Iâ-lō·sat-léng ê siáⁿ-chhiūⁿ thiah-húi, siáⁿ-m̄ng hō· hé sio-lio-khì. ⁴Goá thiaⁿ-kìⁿ chiaⁿ ê oē chiū chē-teh, thi-khau pi-ai kúi-nā jlt; kìm-chiáh kī-tó tī thiⁿ-téng ê Siōng-tè ê bīn-chêng, kóng, ⁵Thiⁿ-téng ê Siōng-tè Iâ-hô-hoa, chì-toā thang kiaⁿ-ùi ê Siōng-tè ah, siú-iok kiáⁿ jîn-ài tī thiáⁿ I, chun-thàn I ê kài-bēng--ê; ⁶goá taⁿ kiū Lí, goān Lí hī-khang thiaⁿ, bák-chiu khoàⁿ, thiaⁿ Lí ê lô·pók chit-tiáp jlt-mī ūi Lí ê lô·pók Í-sek-liát lāng kī-tó tī Lí bīn-chêng ê kī-tó, jīn Í-sek-liát lāng ê choē, chiū-sī goán só· tek-choē Lí ê; goá kap goá ê lâu-pē ê ke lóng ū choē; ⁷goán tùi Lí só·kiáⁿ-ê chīn-chāi hú-pāi, bô chun-siú Lí thok Lí ê lô·pók Mô·se só· bēng-lēng ê kài-bēng, Lút-lē, hoat-tō. ⁸Kiū Lí kì-tit Lí só· bēng-lēng Lí ê lô·pók Mô·se ê oē, kóng, Lín nā hoān-choē, Goá chiū beh sì-soàⁿ lín tī liát-kok-tiong; ⁹chóng-sī lín nā kui tī Goá, siú Goá ê kài-bēng lâi kiáⁿ i, chiū lín siū koáⁿ-tiók ê lāng, sui-jīn tī thiⁿ-piⁿ, Goá iā beh tùi-hia

chū-chlp in, chhoā in kàu Goá só· keng beh an-tì Goá ê miâ ê só·chāi. ¹⁰Taⁿ chiaⁿ-ê lóng sī Lí ê lô·pók, Lí ê peh-siⁿ, chiū-sī Lí ēng Lí ê toā khui-lát, kap toā koān-lēng ê chhiú, só· kiū-siók-ê. ¹¹Chú ah, kiū Lí àⁿ hī-khang thiaⁿ Lí ê lô·pók ê kī-tó, kap hiah ê ì-ài hoaⁿ-hí keng-ùi Lí ê miâ hiah ê lô·pók ê kī-tó; koh kiū Lí hō· Lí ê lô·pók kin-á-jlt heng-thong, tī chit-lâng ê bīn-chêng tit-tiòh un-tián. Hit-sī goá choē ông ê chiú-chêng.

2 A-tát-siat-se ông jī-cháp nī, Nī-sàn gèh, ū chiú tī ông ê bīn-chêng, goá chiū chìn chiú hō· ông. Goá pēng-sò· tī ông ê bīn-chêng bē-bat ū iu-būn ê bīn-sek. ²Ông kā goá kóng, Lí bô phoà-pīⁿ, cháiⁿ-iūⁿ bīn tài-iu-iông ah? Che bô pát-hāng, sī lí sim-lāi ū iu-būn. Goá tùi án-ni chìn kiaⁿ. ³Goá kā ông kóng, Goān ông bān-soè; goá ê liát-chó· hūn-bōng ê só·chāi hit ê siáⁿ pha-hng, siáⁿ-m̄ng lóng hō· hé sio--khì, goá thái-thó bô tài-iu-iông mah? ⁴Ông m̄ng goá kóng, Lí ài kiū sīm-mih? Tùi án-ni goá kī-tó thiⁿ-téng ê Siōng-tè. ⁵Goá tùi ông kóng, Ông nā hoaⁿ-hí, lí ê lô·pók nā tit-tiòh un-tián tī Lí ê bīn-chêng, chiū kiū lí chhe goá khì Iū-tāi, kàu goá ê liát-chó· hūn-bōng hit ê siáⁿ, goá thang koh khì i. ⁶Hit-sī ông-hō· kap ông saⁿ-kap chē, ông kā goá kóng, Lí beh kiáⁿ ê lô·chām tiòh joā-kú? sīm-mih sī beh tò-lâi? Ông hoaⁿ-hí chhe goá khì, goá chiū kap i tiāⁿ-tiòh chit ê kī-hān. ⁷Goá koh kā ông

kóng, Ông nā hoaⁿ-hí, chhiáⁿ ēng chiàu-su hō· goá toà-khì kau Hō-goā hiah ê chóng-tok, chún goá keng-kè kau Iû-tāi; ⁸koh ēng chiàu-su chit-hong, kià hō· koán-lí ông ê chhiū-nā ê koaⁿ A-sat, kah i hō· goá chhâ-liâu, thang choè tiān-piⁿ iāⁿ-poāⁿ ê mng, kap siāⁿ-chhiūⁿ, kap goá só· beh toà ê chhū ê lō·ēng. Ông chiū chún goá só· kiū ê, in-ūi goá ê Siōng-tè si-un ê chhiú pang-chān goá.

⁹Ông phải kúi-nā ê peng-thâu, kap bé-peng kap goá khi. Goá kau Hō-goā hiah ê chóng-tok hia, chiong ông ê chiàu-su kau hō· in. ¹⁰Hô-lun lāng Chham-pa-lāh, kap choè lô·châi ê A-bun lāng To-pí-ngá thiaⁿ-kìⁿ ũ lāng lâi beh ũi Í-sek-liát lāng tô·bô· lī-ek, chiū chin peh-pak. ¹¹Goá kau Iâ-lō·sat-léng, tiām hia saⁿ-jít. ¹²Goá thau-mī khí-lâi, ũ kúi-nā lāng kap goá saⁿ-kap; chóng-sī goá ê Siōng-tè kám-tōng goá ê sim só· beh ũi Iâ-lō·sat-léng choè-ê, goá pēng-bô ká lāng kóng; tū goá khià ê cheng-siⁿ í-goā, iā bô pát chiah cheng-siⁿ kap goá khi. ¹³Goá thau-mī tui soaⁿ-kok mng chhut-khì, kau lēng-chiⁿ ê thau-chēng, iā kau pùn-sò mng, koan-chhat Iâ-lō·sat-léng ê siāⁿ-chhiūⁿ, khoāⁿ-kìⁿ siāⁿ-chhiūⁿ thiah-húi, siāⁿ-mng hō· hé sio--khì. ¹⁴Goá koh chìn-chēng khi kau chú-choāⁿ ê mng, kap ông ê tī; chóng-sī tī-hia bô chit-ūi-á thang hō· goá khià ê cheng-siⁿ kè-khì. ¹⁵Tui án-ni, goá thau-mī iān khoe chiūⁿ-khì, koan-chhat siāⁿ-chhiūⁿ, koh oát-tng-sin, tui soaⁿ-kok ê mng jip-khì, chiah tò-lâi. ¹⁶Hiah ê koaⁿ-tiúⁿ m̄-chai goá khi toh-lóh, choè sim-mih sū; goá iáu-bē ũ ká Iû-tāi ê peh-siⁿ, chē-si, kúi-chók, koaⁿ-tiúⁿ, kap kī-ū choè-kang ê lāng kóng.

¹⁷Āu-lâi goá ká in kóng, Lán só· tú-tiōh ê hoān-lān, Iâ-lō·sat-léng cháiⁿ-iūⁿ pha-hng, siāⁿ-mng hō· hé sio, lín lóng khoāⁿ-kìⁿ; lâi

ah, lán koh khí Iâ-lō·sat-léng ê siāⁿ-chhiūⁿ, bián-tit lán koh siū lēng-jíok. ¹⁸Goá ká in kóng goá ê Siōng-tè ê chhiú cháiⁿ-iūⁿ pang-chān goá, kap ông tui goá kóng sim-mih oē; in kóng, Lán khí-lâi khí-chō. Tui án-ni in hùn-ióng choè chit ê hó ê kang. ¹⁹Chóng-sī Hô-lun lāng Chham-pa-lāh kap choè lô·pók ê A-bun lāng To-pí-ngá, kap A-lāh-pek lāng Ki-siān, thiaⁿ-kìⁿ chiū thí-chhiò goán, khoāⁿ-khin goán, kóng, Lín só· choè sī sim-mih? beh poē-poān ông mah? ²⁰Goá in in kóng, Thiⁿ-téng ê Siōng-tè I beh hō· goán heng-khí; goán choè I ê lô·pók--ê beh khí-lâi khí-chō; chóng-sī lín tī Iâ-lō·sat-léng bô-hūn, bô koán, bô miā-jī.

3 Hit-sī chē-si-thâu Í-lī-a-sit, kap i ê hiaⁿ-tī hiah ê chē-si, khí-lâi khí-chō iūⁿ-mng, hun-piat i choè-sēng, an hit ê mng-siⁿ, chiū-sī kau Hap-bí-a ê chiú-kiⁿ-lâu, iā kau Hap-lâm-giap ê chiú-kiⁿ-lâu, hun-piat choè-sēng. ²Chiap-soà i--ê, sī Iâ-lī-ko lāng khí-chō; chiap-soà i--ê, sī Im-lī ê kiáⁿ Sat-khek khí-chō. ³Hap-se-ná hiah ê kiáⁿ khí-chō hí-mng; hē i ê íⁿ, an i ê mng-siⁿ, kap i ê só, i ê kōng. ⁴Chiap-soà i--ê, sī Hap-ko-su ê sun, O·lī-a ê kiáⁿ, Bí-lī-boát siu-lí. Chiap-soà i--ê, sī Bí-sī-sat-piat ê sun, Pí-lī-ka ê kiáⁿ, Bí-su-lān siu-lí. Chiap-soà i--ê, sī Pa-ná ê kiáⁿ Sat-tok siu-lí. ⁵Chiap-soà i--ê, sī Thē-ko-a lāng siu-lí; chóng-sī in ê kúi-chók bô tam-tng in ê chú ê kang. ⁶Pa-se-a ê kiáⁿ Iâ-hô-iā-tāi, kap Pí-só·-tāi ê kiáⁿ Bí-su-lān, siu-lí kū-mng, hē i ê íⁿ, an i ê mng-siⁿ, kap i ê só, i ê kōng. ⁷Chiap-soà i--ê, sī Ki-piàn lāng Bí-lāh-thē, Bí-lun lāng Ngá-tun, kap Ki-piàn lāng, kap siók Hō-goā ê chóng-tok só· koán ê Bí-su-pa lāng siu-lí. ⁸Chiap-soà i--ê, sī kim-chhiūⁿ Hap-hái-ngá ê kiáⁿ O·siat siu-lí. Chiap-soà i--ê, sī choè huiⁿ-liâu ê Hap-ná-

nî-ngá siu-lí; chiah ê lâng kian-kò· Iâ-lō·sat-léng, kàu khoah ê chhiūⁿ. ⁹Chiap-soà i--ê, sī koán-lí Iâ-lō·sat-léng ê chit-poàⁿ-ê, Hō·jíⁿ ê kiáⁿ Lī-hoat-ngá siu-lí. ¹⁰Chiap-soà i--ê, sī Hap-lō·boat ê kiáⁿ Iâ-tāi-ngá, tī ka-kī ê chhù tui-bīn siu-lí. Chiap-soà i--ê, sī Hap-sa-nī ê kiáⁿ Hap-tút siu-lí. ¹¹Hap-līm ê kiáⁿ Má-ki-ngá, kap Pa-hap-mô·ap ê kiáⁿ Hap-tút, siu-lí chit-toāⁿ, í-kíp hé-lô· ê lâu. ¹²Chiap-soà i--ê, sī koán-lí Iâ-lō·sat-léng hit chit-poàⁿ ê. Hap-lô-hek ê kiáⁿ Sa-liông, kap i hiah ê cha-bó·kiáⁿ siu-lí. ¹³Hap-lùn kap Sat-lô-a khiā-khí ê peh-siⁿ siu-lí soaⁿ-kok ê m̄ng, khí-chō i, an i ê m̄ng-siⁿ, kap i ê só, i ê kông, í-kíp siáⁿ-chhiūⁿ chit-chheng tiú, kàu pùn-sò ê m̄ng. ¹⁴Koán-lí Pek-hap-ki-līm toē ê Lī-kah ê kiáⁿ Má-ki-ngá siu-lí pùn-sò m̄ng; khí-chō i, an i ê m̄ng-siⁿ, kap i ê só, i ê kông. ¹⁵Koán-lí Bí-su-pa toē--ê, Kok-hô-se ê kiáⁿ Sa-lùn, siu-lí chúi-choāⁿ ê m̄ng; khí-chō i, khām i, an i ê m̄ng-siⁿ, kap i ê só, i ê kông, í-kíp oá-kūn ông-hng ê Se-lô-a tī ê chhiūⁿ, kàu hit-ê tui Tāi-pit siáⁿ lóh-lāi ê kiā-á. ¹⁶Chiap-soà i--ê sī koán-lí Pek-siok toē ê chit-poàⁿ, Ap-pok ê kiáⁿ Nī-hi-bí siu-lí, kàu Tāi-pit hūn-bōng ê tui-bīn, koh kàu khui-hó ê tī, í-kíp íóng-sū ê chhù. ¹⁷Chiap-soà i--ê sī Lī-bī lâng Pa-nī ê kiáⁿ Lī-hông siu-lí. Chiap-soà i--ê sī koán-lí Ki-i-lāh toē ê chit-poàⁿ. Hap-sa-pí-ngá ūi i só· tī-lí ê toē lāi siu-lí. ¹⁸Chiap-soà i--ê chiū-sī in ê hiaⁿ-tī, koán-lí Ki-i-lāh toē hit chit-poàⁿ, Híná-tát ê kiáⁿ Pa-oá-i siu-lí. ¹⁹Chiap-soà i--ê sī koán-lí Bí-su-pa--ê, Iâ-su-a ê kiáⁿ Í-siā siu-lí chit-toāⁿ, chiū-sī tī chiūⁿ-khì kun-chong-kék ê tui-bīn oat-kak ê só·chāi. ²⁰Chiap-soà i--ê sī Sat-pài ê kiáⁿ Pa-liók, chīn-lát siu-lí chit-toāⁿ, tui oat-kak kàu chè-si-thâu Í-lī-a-sit chhù ê m̄ng. ²¹Chiap-soà i--ê sī Hap-ko-su ê sun O·

lī-a ê kiáⁿ Bí-lī-boát siu-lí chit-toāⁿ, tui I-lī-a-sit chhù ê m̄ng, kàu Í-lī-a-sit chhù ê chīn-thâu. ²²Chiap-soà i--ê sī tiām tī pīⁿ-iūⁿ ê lâng hiah ê chè-si siu-lí i. ²³Chiap-soà i--ê sī Piān-ngá-bín kap Hap-sút tī i ê chhù ê tui-bīn siu-lí. Chiap-soà i--ê sī A-lân-nī ê sun Má-se-ngá ê kiáⁿ A-sat-lī-ngá tī i ê chhù ê hū-kūn siu-lí. ²⁴Chiap-soà i--ê sī Híná-tát ê kiáⁿ Pin-loē siu-lí chit-toāⁿ, tui A-sat-lī-ngá ê chhù, kàu oat-kak, koh kàu siáⁿ-kak. ²⁵O·sài ê kiáⁿ Palāh tī oat-kak ê tui-bīn, kap ông koāiⁿ ê chhù phòng chhut-lāi ê chiú-kiⁿ-lāu, oá-kūn hō·oē ê iⁿ hit chit-toāⁿ. Chiap-soà i--ê sī Pa-liók ê kiáⁿ Pí-tāi-ngá siu-lí. ²⁶Nī-thê-lêng tiām-tī Gô-húi-lék, kàu òng-tang chúi-m̄ng ê tui-bīn, kap phòng chhut-lāi ê chiú-kiⁿ-lāu.) ²⁷Chiap-soà i--ê sī Thê-ko-a lâng koh siu-lí chit-toāⁿ, tī hit ê phòng chhut-lāi ê toā-lāu tui-bīn, kàu Gô-húi-lék ê chhiūⁿ. ²⁸Tī Bé ê m̄ng ê téng-bīn, hiah ê chè-si ták-ê tī i ê chhù ê tui-bīn siu-lí. ²⁹Chiap-soà i--ê sī Im-bék ê kiáⁿ Sat-tok, tī ka-kī ê chhù ê tui-bīn siu-lí. Chiap-soà i--ê sī kò·siú tang-m̄ng Si-ka-nī ê kiáⁿ Sī-má-ngá siu-lí. ³⁰Chiap-soà i--ê sī Sī-lī-bí-ngá ê kiáⁿ Hap-ná-nī-ngá, kap Sat-lāh ê tē-lák kiáⁿ Hap-lùn, koh siu-lí chit-toāⁿ. Chiap-soà i--ê sī Pí-lī-ka ê kiáⁿ Bí-su-lân, tī i ê pāng-keng ê tui-bīn siu-lí. ³¹Chiap-soà i--ê sī kim-kang Má-ki-ngá siu-lí kàu Nī-thê-lêng kap seng-lí lâng ê chhù, tī Hap-bí-hut-kah m̄ng ê tui-bīn, kàu siáⁿ-kak ê lâu. ³²Kim-kang kap seng-lí lâng siu-lí, tui siáⁿ-kak ê lâu kàu Iūⁿ-m̄ng.

4 Chham-pa-lāh thiaⁿ-kìⁿ goán khí siáⁿ-chhiūⁿ, chiū toā siū-khì, toā thòng-hūn thí-chhiò Iū-tāi lâng. ²Tī i ê hiaⁿ-tī kap Sat-má-li-a ê kun-peng ê bīn-chêng kóng, Chiah ê loán-jiók ê Iū-tāi teh choē sím-mih, beh siat-hoat hō· ka-kī kian-kò· mah? beh hiàn-chè

mah? beh chít jít sêng-kong mah? beh tùi thô·tui tiong thêh chhut kè hé-sio ê chiòh-thâu lâi koh khí mah? ³A-bûn lêng To-pí-ngá khiã tī i ê sin-piⁿ kóng, In só· khí ê, nā ũ chít-chiah hô·lī chiūⁿ-khì, chiū beh táh-tó in ê chiòh-chhiūⁿ. ⁴Goán ê Siōng-tè ah, kiū Lí thiaⁿ, in-ūi goán hō· lêng khoàⁿ-khin, kiū Lí hō· in ê húi-pòng kui tī in ê thâu-khak, hō· in tī siū-liáh ê toē tú-tiòh chhiūⁿ-kiap; ⁵bòh-tit jia-khàm in ê choē-koà, bòh-tit hō· in ê choē-ok tùi Lí ê bīn-chêng chhat-siau; in-ūi in tī khí-chō ê lêng ê bīn-chêng kek-tōng Lí ê siū-khì. ⁶Án-ni, goán khí siāⁿ-chhiūⁿ, siāⁿ-chhiūⁿ chiū lóng liân-lòk, koàiⁿ kàu chít-poàⁿ, in-ūi peh-siⁿ ũ sim teh choè-kang.

⁷Chham-pa-láh, To-pí-ngá, A-láh-pek lêng, A-bûn lêng, A-sit-tút lêng, thiaⁿ-kìⁿ siu-lí Iâ-lō·sat-léng siāⁿ-chhiūⁿ ê kang teh chìn-hêng, pó·that phòa-khiah ê só·chāi tú-á teh pó·that, chiū chin siū-khì; ⁸tāi-ke saⁿ-kap kè-bô beh lâi kong-kek Iâ-lō·sat-léng, hō· hí lâi-bīn jiáu-loân. ⁹Chóng-sī goán kī-tó lán ê Siōng-tè, koh in-ūi in ê iân-kò·, chiū phài-lêng siū-bāng, jít-mī tī-hông. ¹⁰Iū-tāi lêng kóng, Hāu-phiaⁿ-phê iáu-kú choē, taⁿ-teh ê lêng í-keng bô lát, só·í lán boē-oē khí siāⁿ-chhiūⁿ. ¹¹Lán ê tùi-ték koh bat kóng, Thàn in m̄-chai, bô khoàⁿ-kìⁿ, lán jlp in tiong-kan, thài-sí in, hō· in ê choè-kang lóng soah. ¹²Hiah ê oá-kūn tùi-ték khiã-khí ê Iū-tāi lêng, chấp-pái tùi ták só·chāi lâi kìⁿ goán kóng, Lín tek-khak tiòh tò-lâi goán chia. ¹³Só·í goá hō· peh-siⁿ, kok chiàu in ê chong-chòk, kiáh-to, kiáh-chhiuⁿ, kiáh-keng--ê, khāi tī siāⁿ-chhiūⁿ-āu kē ê só·chāi, khang ê só·chāi. ¹⁴Goá koan-chhat-liáu, chiū khí-lâi ká kùi-chòk, koaⁿ-tiúⁿ, kap kī-û ê peh-siⁿ kóng, Bòh-tit kiaⁿ in, tiòh kì-tit Chú sī toā koh thang kiaⁿ ê; tiòh ũi-tiòh lín ê

hiaⁿ-tī, lín ê kiáⁿ, lín ê cha-bó·-kiáⁿ, lín ê bó·, lín ê chhù-thêh lâi kau-chiàn.

¹⁵Tùi-ték thiaⁿ-kìⁿ goán í-keng chai, koh Siōng-tè iā phò-hoài in ê kè-ék, goán chiū lóng tò-túg--lâi kàu siāⁿ-chhiūⁿ hia, ták-lêng choè in ê kang. ¹⁶Tùi hit-tiáp liáu-āu, goá ê lô·pók chít-poàⁿ choè kang, chít-poàⁿ kiáh-chhiuⁿ, koāⁿ tân-pâi, kiáh-keng, chhēng khoe-kah; koaⁿ-tiúⁿ lóng khiã tī Iū-tāi chêng-lêng ê āu-bīn. ¹⁷Khí siāⁿ-chhiūⁿ--ê, taⁿ-teh--ê, kok taⁿ in ê tàⁿ, chít-chhiú choè-kang, chít-chhiú kiáh kun-khì. ¹⁸Khí-chō--ê, ták-ê pē to chiàu án-ni khí-chō, pūn sàu-kak--ê tī goá ê sin-piⁿ. ¹⁹Goá ká chiah ê kùi-chòk, koaⁿ-tiúⁿ, kap kī-û ê peh-siⁿ kóng, Chit ê kang khoah-toā, lán tī siāⁿ-chhiūⁿ-téng pun-khui, saⁿ-lī put-chí hng; ²⁰Lín bô-lūn tī toh-lóh thiaⁿ-kìⁿ sàu-kak ê siaⁿ, chiū tiòh chū-chíp lâi kàu goán hia; lán ê Siōng-tè beh thoè lán kau-chiàn. ²¹Goán án-ni choè kang, in ê chít-poàⁿ kiáh-chhiuⁿ, tùi thiⁿ-phú-kng kàu chhiⁿ chhut-hiân ê sí. ²²Hit-sí goá koh ká peh-siⁿ kóng, Ták-lêng kap i ê lô·pók tiòh hiòh-mī tī Iâ-lō·sat-léng ê lâi-bīn, thang mī--sí pó-hō· goán, jít--sí choè-kang. ²³Án-ni goá kap goá ê hiaⁿ-tī, goá ê lô·pók, kap tè goá ê hō·-oē-peng, bô chít-ê thng-saⁿ, chhut-khì chhiūⁿ-chúi--ê iā ták-ê kiáh ke-si.

5 Peh-siⁿ kap in ê bó· toā-siaⁿ háu, hiâm in ê hiaⁿ-tī Iū-tāi lêng. ²Ū lêng kóng, Goán kap kiáⁿ cha-bó·-kiáⁿ lêng-giáh choē; tiòh khi tit-tiòh ngó·kok thang chiáh lâi tit-tiòh oáh. ³Ū-ê kóng, Ūi-tiòh ki-hng, goán ēng goán ê chhân-hng, phû-tô-hng, chhù-thêh, tián lêng lâi tit-tiòh ngó·kok. ⁴Ū-ê kóng, Goán í-keng ēng chhân kap phû-tô-hng, chioh gūn láp ông ê sè. ⁵Goán ê jiók-thé kap goán ê hiaⁿ-tī ê jiók-thé chít-iūⁿ, goán ê kiáⁿ-jī kap in ê kiáⁿ-

jī chit-iūⁿ; taⁿ goán ēng goán ē kiáⁿ cha-bó·kiáⁿ choè lāng ē lô·pók lú-pī, goán ē cha-bó·kiáⁿ ũ-ê í-keng choè lú-pī, goán iā bô hoat-tit; in-ūi goán ē chhân-hng phû-tô-hng í-keng kui pát-lāng.

⁶Goá thiaⁿ-kìⁿ in ē âu-kiò, kap in ē oē, chiū siū-khì. ⁷Goá sim-lāi siūⁿ, chiū toā chek-pī hiah ē kùi-chók kap koaⁿ-tiúⁿ, kâ in kóng, Lín ták-lāng tui hiaⁿ-tī thèh lī-sek. Tui án-ni goá chio-chíp toā-hoē lāi tu in. ⁸Goá kâ in kóng, Goán liōng goán ē lát, lāi siók lán ē hiaⁿ-tī Iū-tāi lāng, chiū-sī í-keng boē hō·īⁿ-pang lāng ē, lín keng-jian beh boē lín ē hiaⁿ-tī mah? á-sī in beh siū boē hō· lán mah? In chēng-chēng bô oē thang in. ⁹Goá koh kóng, Lín só·choè-ê m̄-hó; in-ūi lán ē tui-ték, chiū-sī īⁿ-pang lāng ē hui-pòng, lín kiám m̄-tiòh keng-tui lán ē Siōng-tè lāi kiáⁿ mah? ¹⁰Goá kap goá ē hiaⁿ-tī, goá ē lô·pók, iā ēng chīⁿ-gún ngó·kok chioh hō· peh-siⁿ; taⁿ goá khng lín, lán tui-ke tiòh bián lī-sek. ¹¹Taⁿ goá khng lín kin-á-jit chiong in ē chhân, phû-tô-hng, kaⁿ-ná-hng, chhù-thèh, kap lín só· tui in thiu ē chīⁿ-gún, ngó·kok, chiú, iū, múi pah-hūn ē chit-hūn lóng tiòh hēng i. ¹²In kóng, Goán beh hēng, bô koh tui in thó, beh chiàu lí ē oē kiáⁿ; goá chiū kiò chè-si lāi, kah in chiū-choā, tiòh chiàu chit ē oē kiáⁿ. ¹³Goá iā poāⁿ-khui goá ē saⁿ-á-phè, kóng, Kìⁿ-nā bô chiáⁿ chit ē oē-ê, goān Siōng-tè chiàu án-ni poāⁿ-khui i lī-khui i ē ke kap i ē chit-giáp; chiū-sī goān i chiàu án-ni poāⁿ kàu khang-khang. Hoē-chiong lóng kóng, A-bēng, koh o-ló Iā-hô-hoa. Peh-siⁿ chiū chiàu chit ē oē kiáⁿ.

¹⁴Tui goá siū siat-lip tī Iū-tāi toē choè in ē chóng-tok, chiū-sī tui A-tát-siat-se ông jī-cháp nī kàu saⁿ-cháp-jī nī, kiōng cháp-jī nī ē kú, goá kap goá ē hiaⁿ-tī lóng bô chiáh chóng-

tok ē hōng-lók. ¹⁵Chóng-sī goá í-chēng kũ-jīm ē chóng-tok hō· peh-siⁿ hū-tam chin tâng; thèh peh-siⁿ ē ngó·kok, kap chiú, kap gūn sì-cháp sià-khek-lék; lián in ē lô·pók iā hat-chè peh-siⁿ; tók-tók goá in-ūi keng-tui Siōng-tè, bô án-ni kiáⁿ. ¹⁶Koh goá choan-bū khí siāⁿ-chhiūⁿ, pēng-bô boē chhân-toē; goá ē lô·pók iā lóng chū-chíp tī-hia choè-kang. ¹⁷Tū-khí hiah ē tui si-ūi ē goā-pang-tiong lāi chhē goán ē lāng í-goā, ũ Iū-tāi lāng kap koaⁿ-tiúⁿ, chit-pah gō·cháp lāng, tī goá ē toh saⁿ-kap chiah. ¹⁸Ták-jit pī-pān chit-chiah gū-káng, lāk-chiah pui ē mī-iūⁿ; koh pī-pān kúi-nā chiah koe; múi cháp-jit chit-pái, pī-pān choē-choē ták-iūⁿ ē chiú; sui-jian án-ni, goá iā bô thèh chóng-tok ē hōng-lók; in-ūi peh-siⁿ hók-ék chin-tâng. ¹⁹Goá ē Siōng-tè ah, kiū Lí kī-liām goá ũi-tiòh chit ē peh-siⁿ só· kiáⁿ it-chhè ē sū, lāi sù-hok goá.

6 Chham-pa-láh, To-pí-ngá, A-láh-pek lāng Kì-siān, kap goán kī-ū ē tui-ték, thiaⁿ-kìⁿ goá siāⁿ-chhiūⁿ í-keng khí-hó, kī-tiong bô lâu chit-khiah; (hit-sī goá khiok bē ũ an mng-siⁿ.) ²Chham-pa-láh kap Kì-siān chiū chhe lāng lāi kīⁿ goá kóng, Chhiáⁿ lí lāi, lán tī O-lô pīⁿ-iūⁿ chit ē huiⁿ-siā siong-hoē. Chóng-sī in siūⁿ beh hāi goá. ³Goá chiū chhe sù-chiá khì kīⁿ in kóng, Goá taⁿ teh pān-lí toā ē kang, boē-oē lóh-khì; thái-thó oē lī-khui i lóh-khì kīⁿ lín, hō· chit ē kang thēng-chí ah? ⁴In án-ni sì-pái chhe lāng lāi kīⁿ goá, goá lóng án-ni in in. ⁵Chham-pa-láh tē-gō· pái chiū chhe i ē lô·pók lāi kīⁿ goá, chhiú thèh lō·hong ē phoe; phoe-lāi siá kóng, Goā-pang-tiong ũ hong-siāⁿ, Ka-si-bō· iā kóng, lí kap Iū-tāi lāng teh bô-hoán, só·í lí khí siāⁿ-chhiūⁿ, lí beh choè in ē ông, chiàu chiah ē oē. ⁷Lí koh phài sian-ti tī Iā-lō·sat-léng, soan-thoan lí ē tui-

chì kóng, Tī Iû-tāi ū ông; taⁿ beh chiàu chiah ê oē chàu ông; só·í chhiáⁿ lí lâi, lán saⁿ-kap gī-lūn. ⁸Goá chiū chhe lāng khi kīⁿ i kóng, Lí só· kóng chit ê sū, it-khai bô-iáⁿ, sī lí ê sim liap-chō--ê. ⁹In-ūi in lóng ài hō· goán kiaⁿ, ì-sù kóng, In ê chhiú beh sng-núg, tì-kàu kang choè bô chiáⁿ. Siōng-tè ah, kiú Lí kian-kò· goá ê chhiú.

¹⁰Āu-lâi goá kàu Bí-hi-tāi-piát ê sun, Tē-lâi-ngá ê kiáⁿ, Sī-má-ngá ê chhiú; hit-sī i koaiⁿ-teh bô chhut-lâi; i kóng, Lán tiòh tī Siōng-tè ê chhiú siong-hoē, tī tiān--nih koaiⁿ tiān-m̄ng; in-ūi in beh lâi thâi lí, chiū-sī tī mī-sī beh lâi thâi lí. ¹¹Goá kóng, Chhin-chhiūⁿ goá chit-hō lāng, kiám thang cháu mah? chhin-chhiūⁿ goá chit-hō lāng, kiám thang jip tiān lâi pó-choân sīⁿ-miā mah? ¹²Goá m̄ jip-khi. Goá khoàⁿ-chhut, chai Siōng-tè bô chhe i, sī i ka-kī kóng chit ê sian-ti oē lâi kong-kek goá; sī To-pí-ngá kap Chham-pa-láh pò·lō· i. ¹³Pò·lō· ê iân-kò·, sī beh hō· goá kiaⁿ, hō· goá án-ni kiáⁿ lâi hoân-choē, in thang pò·iōng pháiⁿ-oē, lâi húi-pòng goá. ¹⁴Goá ê Siōng-tè ah, To-pí-ngá, Chham-pa-láh, lú sian-ti Lô-a-tí, kap kī-ū hiah ê sian-ti, lóng sī beh hō· goá kiaⁿ-ê; kiú Lí chiàu in ê só· kiáⁿ lâi kī-tit in.

¹⁵Í-lók gēh jī-cháp-gō· jīt, siáⁿ-chhiūⁿ í-keng khí-hó, kiōng gō·cháp-jī jīt. ¹⁶Goán it-chhè ê tui-ték thiaⁿ-kīⁿ, sī-ūi ê goā-pang lāng lóng kiaⁿ, ka-kī khoàⁿ sī sit-pāi; in-ūi khoàⁿ-kīⁿ chit ê kang choè-chiá, sī chhut tī lán ê Siōng-tè. ¹⁷Tng hiah ê jīt Iû-tāi ê kùi-chók táuh-táuh kià phoe hō· To-pí-ngá, To-pí-ngá iā ēng phoe hō· in. ¹⁸In-ūi tī Iû-tāi ū choē-choē lāng kap i kiát-bēng, in-ūi i sī A-láh ê kiáⁿ, Sī-ka-nī ê kiáⁿ-sài; koh i ê kiáⁿ Iok-hap-lân chhoā Pí-lī-ka ê kiáⁿ Bí-su-lân ê cha-bó·-kiáⁿ choè-bó·. ¹⁹In siōng-siōng tī goá ê bīn-

chēng kóng-khí i ê hó só·-kiáⁿ, iā chiong goá ê oē thoân hō· i. To-pí-ngá koh siōng-siōng kià phoe hō· goá, beh hō· goá kiaⁿ.

⁷Siáⁿ-chhiūⁿ khí-hó, goá í-keng an-m̄ng, kò·m̄ng--ê, chhiūⁿ-koa-ê kap Lī-bī lāng, lóng phài tiāⁿ-tiòh; ²goá chiū phài goá ê hiaⁿ-tī, kap koán ông-kiong ê Hap-ná-nī-ngá, koán-lí Iâ-lō·sat-léng; in-ūi i sī tiong-sin koh keng-ūi Siōng-tè, iāⁿ-kè pát-lāng. ³Goá hoan-hù in kóng, Thèng-hāu jīt-thâu koaiⁿ ê sī, chiah khui Iâ-lō·sat-léng ê siáⁿ-m̄ng; lāng khiā-teh kò· ê sī, in tiòh koaiⁿ-m̄ng, lí tiòh chhoāⁿ--i, iā tiòh phài Iâ-lō·sat-léng khiā-khí ê peh-siⁿ kò·-siú, ták-ê chiàu in ê pan-liát tī in ê chhiú tui-bīn ê só·-chāi. ⁴Siáⁿ sī khoah-toā, chóng-sī kī-tiong peh-siⁿ chió, chhiú iáu-bē khí.

⁵Goá ê Siōng-tè kám-tōng goá ê sim, chio-chíp kùi-chók, koaⁿ-tiúⁿ, kap peh-siⁿ, chiàu in ê sè-hē lâi sng--i. Goá chhē-tiòh thâu-chhít pái chiūⁿ-lâi ê lāng ê chók-phó·, hit lâi-bīn ū kī-chài; ⁶chēng Pa-pí-lūn ông Nī-pò·kah-nī-sat liáh kàu Pa-pí-lūn ê, Iû-tāi séng peh-siⁿ-tiong ū lāng tui siū-liáh kàu ê só·-chāi tò-lâi Iâ-lō·sat-léng kap Iû-tāi, ták-lāng tò-khi i ê siáⁿ; ⁷chiū-sī kap Só·lō-pa-pek, Iâ-su-a, Nī-hi-bí, A-sat-lī-ngá, Láh-bí, Ná-hap-má-nī, Bók-tí-kái, Pit-san, Bí-su-pí-liát, Pí-kek-oá-i, Nī-hông, Pa-ná, saⁿ-kap tò-lâi ê.

Í-sek-liát peh-siⁿ ê lāng-giáh kī tī ē-toé; ⁸Pa-liók ê hō·-è, n̄ng-chheng chhít-pah chhit-cháp-jī lāng. ⁹Sī-hoat-thē-ngá ê hō·-è, saⁿ-pah chhit-cháp-jī lāng. ¹⁰A-láh ê hō·-è, lāk-pah gō·cháp-jī lāng. ¹¹Pa-hap-mô·ap ê hō·-è, chiū-sī Iâ-su-a kap Iok-ap ê hō·-è, n̄ng-chheng poeh-pah cháp-poeh lāng. ¹²Í-lân ê hō·-è, chhit-chheng n̄ng-pah gō·cháp-si lāng. ¹³Sat-thó· ê hō·-è, poeh-pah sī-cháp-gō· lāng. ¹⁴Sat-kái ê hō·-è, chhit-pah lāk-cháp lāng.

¹⁵Pin-loē ê hō·-è, lăk-pah sì-cháp poeh lăng.
¹⁶Pí-pài ê hō·-è, lăk-pah jī-cháp-poeh lăng.
¹⁷Ap-kah ê hō·-è, nng-chheng saⁿ-pah jī-cháp-jī lăng. ¹⁸A-to-ni-kan ê hō·-è, lăk-pah lăk-cháp-chhit lăng. ¹⁹Pí-kek-oá-i ê hō·-è, nng-chheng lian lăk-cháp-chhit lăng. ²⁰A-teng ê hō·-è, lăk-pah gō·-cháp-gō· lăng. ²¹A-ték ê hō·-è, siók Hi-se-ka ê, káu-cháp-poeh lăng.
²²Hap-sūn ê hō·-è, saⁿ-pah jī-cháp-poeh lăng.
²³Pí-sài ê hō·-è, saⁿ-pah jī-sì lăng. ²⁴Hap-lăh ê hō·-è, chit-pah cháp-jī lăng. ²⁵Ki-piàn lăng, káu-cháp-gō· ê. ²⁶Pek-lī-hêng lăng kap Nī-tô-hoat lăng, kiōng chit-pah poeh-cháp-poeh lăng. ²⁷A-ná-tút lăng, chit-pah jī-cháp-poeh ê. ²⁸Pek-a-su-má-hut lăng, sì-cháp-jī ê. ²⁹Ki-liát-iâ-lim lăng, Ki-hui-lăh lăng, Pí-liók lăng, kiōng chhit-pah sì-cháp-saⁿ ê. ³⁰Lăh-má lăng kap Ka-pa lăng, kiōng lăk-pah jī-cháp-it ê. ³¹Bék-má lăng, chit-pah jī-cháp-jī ê. ³²Pek-ték-lī lăng kap Ai ê lăng, kiōng chit-pah jī-cháp-saⁿ ê. ³³Pát ê Nī-pho ê lăng, gō·-cháp-jī ê. ³⁴Pát ê Í-lân hō·-è, chit chheng nng-pah gō·-cháp-sì lăng. ³⁵Hap-lim ê hō·-è, saⁿ-pah jī-cháp ê. ³⁶Iâ-lī-ko lăng, saⁿ-pah sì-cháp-gō· ê. ³⁷Lô-tek lăng, Hap-tē lăng, O-lô lăng, kiōng chhit-pah jī-cháp-it ê. ³⁸Se-ná lăng, saⁿ-chheng káu-pah saⁿ-cháp ê.

³⁹Chè-si; Iâ-su-a ê ke, Iâ-tāi-ngá ê hō·-è, káu-pah chhit-cháp-saⁿ lăng. ⁴⁰Im-lék ê hō·-è, chit-chheng lian gō·-cháp-jī lăng. ⁴¹Pa-si-hō·-jīⁿ ê hō·-è, chit-chheng nng-pah sì-cháp-chhit lăng. ⁴²Hap-lim ê hō·-è, chit-chheng lian cháp-chhit lăng.

⁴³Lī-bī lăng; Hô-tát-ui ê hō·-è, siók Iâ-su-a kap Kah-biát ê hō·-è, chhit-cháp-sì lăng.
⁴⁴Chhiūⁿ-koa-ê, A-sat ê hō·-è, chit-pah sì-cháp-poeh lăng. ⁴⁵Kò·-mng-ê; Sa-liông ê hō·-è, A-ték ê hō·-è, Tát-bun ê hō·-è, A-kok ê hō·-

è, Hap-tí-tāi ê hō·-è, Sok-pài ê hō·-è, kiōng chit-pah saⁿ-cháp-poeh lăng.

⁴⁶Nī-thê-lêng; Se-hap ê hō·-è, Hap-so·-pa ê hō·-è, Tap-pa-gô ê hō·-è; ⁴⁷Ki-liók ê hō·-è, Se-a ê hō·-è, Pa-tùn ê hō·-è; ⁴⁸Lī-pa-ná ê hō·-è, Hap-ka-pa ê hō·-è, Sat-mái ê hō·-è; ⁴⁹Hap-lân ê hō·-è, Kiat-tek ê hō·-è, Ka-hap ê hō·-è; ⁵⁰Lī-a-ngá ê hō·-è, Lī-sin ê hō·-è, Nī-ko-tāi ê hō·-è; ⁵¹Ka-sàn ê hō·-è, O·sat ê hō·-è, Pa-se-a ê hō·-è; ⁵²Pí-sài ê hō·-è, Bí-o·lêng ê hō·-è, Nī-phó·-sim ê hō·-è; ⁵³Pa-pok ê hō·-è, Hap-kok-pa ê hō·-è, Hap-hut ê hō·-è; ⁵⁴Pa-sé-lút ê hō·-è, Bí-hi-tāi ê hō·-è, Hap-sa ê hō·-è; ⁵⁵Pa-kho ê hō·-è, Se-se-lăh ê hō·-è, Tap-má ê hō·-è; ⁵⁶Nī-sè-a ê hō·-è, Hap-thê-hoat ê hō·-è.

⁵⁷Só·-lô-bun ê lô·-pók ê hō·-è; Só-thai ê hō·-è, Só-hui-liát ê hō·-è, Pí-lô·-tāi ê hō·-è; ⁵⁸Ngá-lăh ê hō·-è, Tát-khun ê hō·-è, Kiat-tek ê hō·-è; ⁵⁹Sī-hoat-thê-ngá ê hō·-è, Hap-thoè ê hō·-è, Pho-hek-liát-hap-su-pa-im ê hō·-è, A-bun ê hō·-è. ⁶⁰Nī-thê-lêng kap Só·-lô-bun lô·-pók ê hō·-è, kiōng saⁿ-pah káu-cháp-jī lăng.

⁶¹Tui Ték-bí-lăh, Ték-hap-sat, Ki-liók, A-tùn, Im-bék chiūⁿ-lăi--ê, boē-oē cheng-bêng in ê chong-chók sè-hē, chin-chiàⁿ sī Í-sek-liát lăng á m̄-sī. ⁶²In sī Tē-lăi-ngá ê hō·-è, To-pí-ngá ê hō·-è, Nī-ko-tāi ê hō·-è, kiōng lăk-pah sì-cháp-jī lăng. ⁶³Chè-si-tiong, ū Hap-pa-ngá ê hō·-è, Hap-ko-su ê hō·-è, Pa-se-lăi ê hō·-è; Pa-se-lăi chhoā Ki-liát lăng Pa-se-lăi ê cha-bó·-kiáⁿ choè bó·, só·-í êng in ê miâ lăi chheng i. ⁶⁴Chiah ê ke tī in ê chók-phó·-tong chhē in ê sè-hē, iā chhē-bô, só·-í sng-choè bô chheng-khì, m̄-chún in tng chè-si ê chit. ⁶⁵Chóng-tok kâ in kóng, m̄-thang chiáh chì-sêng ê mih, theng-hâu ū O·lêng kap Thó·-bêng ê chè-si khí-lái.

⁶⁶Hoē-chiòng kiōng ū sì-bân nng-chheng

saⁿ-pah lăk-cháp lăng; ⁶⁷í-goā iáu-ū in ê lô·pók lú-pī, chhit-chheng saⁿ-pah saⁿ-cháp-chhit lăng, lăm-lú chhiūⁿ-koa--ê, ū nng-pah sî-cháp-gō lăng; ⁶⁸in ê bé, chhit-pah saⁿ-cháp-lăk chia; in ê lô, nng-pah sî-cháp-gō chia; ⁶⁹lók-tô, sî-pah saⁿ-cháp-gō chia; lū, lăk-chheng chhit-pah jī-cháp chia.

⁷⁰Ū chók-tiúⁿ kúi-nā lăng ūi-tiòh kang-tiāⁿ lâi hiàn. Chóng-tok hiàn tī khók·pāng ê kim chit-chheng tát-lī-khek, óaⁿ gō·cháp tè, chè-si ê lé-hók gō·pah saⁿ-cháp niá. ⁷¹Koh ū chók-tiúⁿ hiàn jíp kang-tiāⁿ ê hú-khò, kim nng-bān tát-lī-khek, gūn nng-chheng nng-pah bī-ná. ⁷²Kī-ū ê peh-siⁿ só·hiàn ê kim nng-bān tát-lī-khek, gūn nng-chheng bī-ná, chè-si ê lé-hók lăk-cháp-chhit niá.

⁷³Tùi án-ni chè-si, Lī-bī lăng, kò·mng--ê, chhiūⁿ-koa--ê, peh-siⁿ tiong chit-pō·hūn ê lăng, Nī-thê-lêng, kap Í-sek-liát chêng-lăng ták-ê khiā-khí tī in ê siāⁿ.

8 Kàu tē-chhit gēh, Í-sek-liát lăng í-keng khiā-khí in hiah ê siāⁿ. Hit-si peh-siⁿ chhin-chhiūⁿ chit-lăng lóng chū-chíp tī chúí-mng-chêng khoan-khoah ê só·chăi, chhiáⁿ keng-hák-sū, Í-su-lăh, toà Mô·se lút-hoat ê chheh lâi, chiū-sī Iâ-hô-hoa só·bat bêng-lêng Í-sek-liát ê. ²Chhit-gēh chhoe-it jít, chè-si Í-su-lăh toà lút-hoat kàu kong-hoē chêng, hék lăm hék lú, í-kíp kīⁿ-nā thiaⁿ-liáu oē hiáu tit--ê ê bīn-chêng. ³Tī chúí-mng-chêng khoan-khoah ê só·chăi, tùi thiⁿ-kng kàu jít-tàu, tī chêng lăm-lú kap hiah ê oē bêng-pék--ê ê bīn-chêng thak i, peh-siⁿ àⁿ hī-khang thiaⁿ lút-hoat ê chheh. ⁴Keng-hák-sū Í-su-lăh khiā tī in ūi-tiòh chit ê sū só·pī-pān ê chhâ-tâi-téng; tī i ê sin-piⁿ ū Má-tha-thê-ngá, Sī-má, A-nāi-ngá, O·lī-a, Hī-lék-ka, kap Má-se-ngá, khiā tī i ê chiāⁿ-pêng; Pí-tāi-ná, Bí-sa-lī, Má-ki-

ngá, Hap-sūn, Hap-poát-tāi-ná, Sat-ka-lī-a, kap Bí-su-lân, khiā tī i ê tò-pêng. ⁵Í-su-lăh khiā tī chêng peh-siⁿ ê téng-bīn, tī chêng peh-siⁿ ê bák-chiu-chêng hian-khui chit pún chheh; i chit-ē hian-khui, chêng peh-siⁿ chiū lóng khí-lâi khiā. ⁶Í-su-lăh o-ló Iâ-hô-hoa chì-toā ê Siōng-tè; chêng peh-siⁿ lóng kiáh-khí chhiú, in kóng, A-bêng, A-bêng, chiū àⁿ-thâu, bīn òng toē, keng-pài Iâ-hô-hoa. ⁷Iâ-su-a, Pā-nī, Sī-lī-pí, Ngá-bín, A-kok, Sa-pí-thai, O-tē-ngá, Má-se-ngá, Kī-lī-tha, A-sat-lī-ngá, Iok-sat-poát, Hap-lân, Pí-lâi-ngá, kap Lī-bī lăng, hō· peh-siⁿ bêng-pék lút-hoat; peh-siⁿ lóng khiā tī i ê só·chăi. ⁸In thak Siōng-tè lút-hoat ê chheh kàu bêng-pék koh khui-thiah hit ê ì-sù, hō· peh-siⁿ bêng-pék só·thak ê.

⁹Chóng-tok Nī-hi-bí, kap choē chè-si ê keng-hák-sū Í-su-lăh, kap kà-sī peh-siⁿ ê Lī-bī lăng, tùi chêng peh-siⁿ kóng, Kín-á-jít sī Iâ-hô-hoa lín Siōng-tè ê sêng-jít; m̄-thang pi-ai thī-khau. In-ūi chêng peh-siⁿ thiaⁿ-kīⁿ lút-hoat ê oē lóng thī-khau. ¹⁰I koh ká in kóng, Khi ah, lín khi chiáh pui ê mih, lim tiⁿ ê bī; bō pī-pān mih ê lăng, tiòh pun hō· i; in-ūi kín-á-jít sī lán ê Chú ê sêng-jít; lín m̄-thang iu-būn, in-ūi tùi Iâ-hô-hoa tit-tiòh ê hoaⁿ-hí sī lín ê lêng-lék. ¹¹Tùi án-ni Lī-bī lăng an-ūi chêng peh-siⁿ kóng, Tiòh chêng-chêng, in-ūi kín-á-jít sī sêng-jít; m̄-thang iu-būn. ¹²Chêng peh-siⁿ chiū khi lim-chiáh, iā pun mih hō· lăng, toā hoaⁿ-hí; in-ūi in bêng-pék só·thoan hō· in ê oē.

¹³Keh-jít chêng peh-siⁿ ê chók-tiúⁿ, chè-si, kap Lī-bī lăng, lóng chū-chíp kàu keng-hák-sū Í-su-lăh hia, beh tì-ì thiaⁿ lút-hoat ê oē. ¹⁴In khoàⁿ-tiòh lút-hoat tiong ū kī-chài Iâ-hô-hoa thok Mô·se bêng-lêng Í-sek-liát lăng, tiòh tī chhit-gēh ê choeh-kí tiàm tī chháu-liâu; ¹⁵koh

tiòh tī ták ê siâⁿ kap Iâ-lō·sat-léng soan-thoan pò-kò kóng, Lín tiòh chhut-khì soaⁿ--nih, chúh kaⁿ-ná chhiū-ki, iá kaⁿ-ná chhiū-ki, kong-liam chhiū-ki, chó-chhiū-ki, âm-chhiū ê chhiū-ki, lâi tah chháu-liâu chiàu só·kì-chài ê.
¹⁶Peh-siⁿ chiū chhut-khì, toà chhiū-ki lâi, ták-lâng tī ka-kī ê chhù-téng tī iⁿ-lâi, tī Siōng-tè tiān ê iⁿ-lâi, tī chúu-m̄ng khoan-khoah ê só·chāi, tī Í-hoat-liân m̄ng khoan-khoah ê só·chāi, tah chháu-liâu.
¹⁷Hiah ê siū-liáh--khì koh tò-lâi ê hoē-chiòng chiū tah chháu-liâu, chē tī chháu-liâu--nih; in-ūi tui Lùn ê kiáⁿ Iok-su-a ê sī kàu chit-jit, Í-sek-liát lāng m̄bat án-ni kiāⁿ. Tui án-ni in toā-toā hoaⁿ-hí.
¹⁸Tui thâu-chit jit, kàu lō·bé jit, Í-su-láh ták-jit thak Siōng-tè ê lút-hoat. Chèng-lāng siú-choeh chhit-jit, kàu tē-poeh jit ū giām-siok-hoē, chiàu tiāⁿ-tiòh ê lē.

9 Chit-gêh jī-si jit, Í-sek-liát lāng chū-chip kìm-chiáh, chhēng moā-saⁿ, sám hé-hu.
²Í-sek-liát ê hō·-è chiū kap it-chhè goā-pang lāng keh-khui, khiā-teh jīn ka-kī ê choē-ok, kap in liát-chó· ê choē-koā.
³In khiā tī in ê só·chāi, ēng hit-jit ê sī-kan sī-hūn-chit, thak Iâ-hô-hoa in ê Siōng-tè lút-hoat ê chheh; koh ēng sī-kan ê sī-hūn-chit jīn-choē, kèng-pài Iâ-hô-hoa in ê Siōng-tè.
⁴Iâ-su-a, Pa-nī, Kah-biát, Sī-pa-nī, Pò·nī, Sī-lī-pí, Pa-nī, Kì-ná-nī, khiā tī Lī-bī lāng ê tãi-téng, toā-soaⁿ kiū-kiò Iâ-hô-hoa in ê Siōng-tè.

⁵Lī-bī lāng Iâ-su-a, Kah-biát, Pa-nī, Hap-sa-nī, Sī-lī-pí, O-tē-ngá, Sī-pa-nī, Pì-tha-hi-ngá, kóng, Lín tiòh khiā-khí-lâi o-ló Iâ-hô-hoa lín ê Siōng-tè, tui éng-oán kàu éng-oán. Iâ-hô-hoa ah, Lí ēng-kng ê miâ sī eng-kai o-ló ê, poāⁿ-kè it-chhè ê chheng-ho· o-ló.
⁶Lí, tòk-tòk Lí, sī Iâ-hô-hoa; Lí chhòng-chō thiⁿ, kap chiaⁿ ê thiⁿ ê thiⁿ, kap thiⁿ-téng ê bân-

kun, toē kap toē-chiūⁿ ê bân-mih, hái kap hái-tiong ê bân-mih; che it-chhè lóng sī Lí só·pó-chūn ê; thian-kun iā kèng-pài Lí.
⁷Iâ-hô-hoa ah, Lí sī Siōng-tè, bat kèng-soán A-pek-lân, chhoā i chhut Ka-lék-tí ê Ngō·jīⁿ, siúⁿ-sù i miâ kiò A-pek-láh-hán.
⁸Lí khoàⁿ i ê sim chīm-tiong tī Lí ê bīn-chèng, chiū kap i lip-iok, èng-ún chiong Ka-lâm lāng, Hek lāng, A-mô·lī lāng, Pí-lī-sé lāng, Iâ-pò·su lāng, Kek-ka-sat lāng ê toē hō· i ê hō·-è, koh ū èng-giām Lí ê oē; in-ūi Lí sī kong-gī--ê.
⁹Lí bat khoàⁿ-kìⁿ goán ê liát-chó· tī Ai-kíp só·siū ê khùn-khó·, thiaⁿ in tī Áng-hái piⁿ ê ai-kiū,
¹⁰chiū kiāⁿ sīn-jiah kí-sū, chek-hoát Hoat-ló kap i ê cheng jīn-sīn, í-kíp i kok-lâi ê cheng peh-siⁿ; in-ūi Lí chai in kiau-ngō· khoán-thāi goán ê liát-chó·, Lí chiū ūi ka-kī tit-tiòh miâ-siaⁿ, chhin-chhiūⁿ kìn-á-jit chit-iūⁿ.
¹¹Lí tī in ê bīn-chèng pun-khui hái, hō· in tui hái-tiong kiāⁿ ta-toē kè-khì, tui-jip in--ê, Lí hiat in tī chhim-hái, chhin-chhiūⁿ hiat chiòh-thâu tī toā-chúi-tiong.
¹²Iū-koh jit--sī Lí ēng hūn-thiāu chhoā in, mī--sī Lí ēng hé-thiāu chiòkng in só·kiāⁿ ê lō·.
¹³Lí iā kàng-līm tī Se-nái soaⁿ, tui thiⁿ--nih kap in kóng-oē, siúⁿ-sù in cheng-tit ê hoat-tō·, chin-sit ê hoat-tō·, hó ê lút-lē kap kài-bēng;
¹⁴koh hō· in chai Lí an-hioh ê sèng-jit, iā thok Lí ê lô·pók Mô·se ēng kài-bēng, lút-lē, hoat-tō·, bēng-lēng in;
¹⁵ūi-tiòh in iau, chiū tui thiⁿ siúⁿ-sù bí-niū, ūi-tiòh in chhui-ta, chiū tui chiòh-poāⁿ chhut-chúi, koh bēng-lēng in khi sēng-chiap Lí só·chiū-choā beh hō· in ê toē.
¹⁶Chóng-sī in kap goán ê liát-chó· kiāⁿ tãi-chì kiau-ngō·, ngī in ê âm-kún, bô thiaⁿ-thàn Lí ê kài-bēng, m̄khéng sūn-thàn, iā bô kì-liām Lí tī in tiong-kan só·kiāⁿ ê kí-sū, kèng-jian ngī in ê âm-kún, tī poē-gèk tiong ka-kī siat-lip siú-léng,

beh oat tò-khì in choè lô·châi ê toē. Chóng-sī Lí sī hoaⁿ-hí sià-bián lāng, ū un-tián, lín-bín, bô khoài-khoài siū-khì, ū moá-moá chū-ài ê Siōng-tè; iā bô pàng-sak in. ¹⁸In sui-jiân chū chít-chiah gū-á, koh kóng, Che sī lí ê Siōng-tè bat chhoā lí chhut Ai-klp--ê, án-ni toā-toā kek-tōng siū-khì; ¹⁹Lí iáu-kú toā si lín-bín, bô pàng-sak in tī không-iá; jlt-sī, hūn-thiāu bô lī-khui in, chhoā in kiāⁿ lō; mī-sī, hé-thiāu iā bô lī-khui in, chiò-kng in kap in só· tiòh kiāⁿ ê lō. ²⁰Lí iā siúⁿ-sù Lí hó ê sīn lāi kà-sī in, Lí ê má-ná iū-goân hō· in chiáh bô soah, ūi-tiòh in chhùi-ta, siúⁿ-sù in chúí. ²¹Tī không-iá sì-cháp nī lí iúⁿ-chhi in; in chiū bô khiām-kheh chít-hāng, in ê saⁿ bô phoà, in ê kha bô phòng-phā. ²²Lí chiong liát-pang kap hiah ê peh-siⁿ hō· in, hun-phài in tī ták kak-thâu, in chiū tit-tiòh Se-hông ê toē, Hi-sit-pún ông ê toē, kap Pa-san ông Gók ê toē. ²³Lí ke-thiⁿ in ê kiáⁿ-sun chhin-chhiūⁿ thiⁿ-chhiⁿ ê choē, chhoā in kàu hit ê toē, chiū-sī Lí ká in ê liát-chó· kóng, in beh jlp-khì sēng-chiap ê. ²⁴Án-ni, in ê kiáⁿ-sun jlt-khì sēng-chiap hit ê toē, Lí tī in ê bīn-chēng chè-ap hit só· chāi khiā-khí ê peh-siⁿ, chiū-sī Ka-lām lāng, chiong in kap in ê kun-ông, kap hit só·chāi ê peh-siⁿ, lóng kau tī in ê chhiú, hō· in chhut-chāi ì-sù lāi khoán-thāi in. ²⁵In chhú kian-kò· ê siāⁿ, pui ê thó·toē, tit-tiòh chhiong-moá ták-iūⁿ hó-mih ê chhù-théh, khui piān-piān ê chúí-chiⁿ, phū-tô-hng, kaⁿ-ná-hng, ké-chí-chhiū choē-choē; in tit-tiòh chiáh-pá, sin-thé pui; in-ūi Lí ê toā-un sim-lāi khoài-lók. ²⁶Chóng-sī in m̄ sūn-thàn, keng-jiân poē-gék Lí, chiong Lí ê lút-hoat hiat tī ka-chiah-āu; Lí ê sian-ti khoán-kài in, beh hō· in kui-ng Lí, in chiū thāi-si--in; toā-toā kek-tōng siū-khì. ²⁷Só·í Lí kau in tī tui-ték ê chhiú, siū

in ê khó·-chhó; in tú-tiòh khó·-lān ê sī ai-kiū Lí, Lí chiū tui thiⁿ àⁿ-lòh thiaⁿ, chiāu Lí ê toā lín-bín, hō· in ū chín-kiū ê lāng, kiū in thoat-lī tui-ték ê chhiú. ²⁸Chóng-sī in tit-tiòh pēng-an liáu-āu, koh tī Lí ê bīn-chēng kiāⁿ pháiⁿ; só·í Lí pàng-sak in tī tui-ték ê chhiú, hō· tui-ték koán-hat in; in oát-tò-túg ai-kiū Lí ê sī, Lí iū-goân tui thiⁿ àⁿ-lòh thiaⁿ, táuh-táuh chiāu Lí ê lín-bín chín-kiū in; ²⁹koh khoán-kài in, ài beh ín-chhoā in kui-ng Lí ê lút-hoat; chóng-sī in kiāⁿ tãi-chi kiau-ngō, m̄ thiaⁿ-thàn Lí ê kài-bēng, kan-hoan Lí hiah ê hoat-tō, (lāng nā kiāⁿ i, beh tui i tit-tiòh oah ê,) oát-túg keng-thau, ngī ām-kún, m̄-khéng thiaⁿ-thàn. ³⁰Chóng-sī Lí choē-choē nī khoan-iông in, koh ēng Lí ê sīn thok Lí hiah ê sian-ti lāi tui in choē kan-chēng, in iū-goân m̄ thiaⁿ-thàn; só·í Lí chiong in kau tī liát-kok ê peh-siⁿ ê chhiú. ³¹Chóng-sī Lí tui Lí ê toā lín-bín, bô it-chīm biát in, iā bô pàng-sak in; in-ūi Lí sī ū un-tián, ū lín-bín ê Siōng-tè.

³²Taⁿ goán ê Siōng-tè ah, Lí sī chī-toā, ū koan-lēng, thang kiaⁿ-ùi, siú iok, si chū-ài ê Siōng-tè; goán ê kun-ông, siú-léng, chè-si, sian-ti, liát-chó· kap Lí ê chēng peh-siⁿ, tui A-sút liát-ông ê sī kàu kin-á-jlt só· tú-tiòh it-chhè ê khó·-lān, kiū Lí bōh-tit liáh-choē sió-khoá. ³³Chóng-sī kìⁿ-nā goán só· tú-tiòh--ê, Lí sī kong-gī; in-ūi Lí só· kiāⁿ--ê sī chín-sit, goán só· kiāⁿ--ê sī pháiⁿ. ³⁴Goán ê kun-ông, siú-léng, chè-si, liát-chó·, lóng bô chun-siú Lí ê lút-hoat, m̄ thiaⁿ-thàn Lí ê kài-bēng, kap Lí ê kan-chēng, chiū-sī Lí tui in só· kan-chēng ê oē. ³⁵In tī in ê pún-kok, tī Lí siúⁿ-sù in toā hok-khì, kap Lí tī in bīn-chēng só· siúⁿ-sù khoah-toā pui-súi ê toē, bô hók-sāi Lí, iā bô oát-túg lī-khui in ê pháiⁿ só· kiāⁿ. ³⁶Goán kin-á-jlt choē lô·pók; Lí só· siúⁿ-sù goán liát-

chó· ê toē, thang chiáh i ê ké-chí, í-kíp hó ê mih, khoàⁿ ah, goán tī chit ê toē choē lô·pók. ³⁷Chit ê toē chhut choē-choē mih, kui tī liát-ông, chiū-sī Lí in-ūi goán ê choē, Lí só·siat-líp lâi koán-hat goán-ê, in chhut-chāi ì-sù koán-hat goán ê sin-khu kap goán ê cheng-siⁿ; goán tú-tiòh toā hoān-lân. ³⁸In-ūi che it-chhè ê sū, goán líp khak-sit ê iok, siá-bêng i; goán ê siú-léng, Lī-bī lāng, kap chè-si, lóng khàm-in.

10 Khàm-in-ê, sī Hap-ka-lī-a ê kiáⁿ chóng-tok Nī-hi-bí, kap Se-tí-ka; ²Se-lāi-ngá, A-sat-lī-ngá, Iā-lī-bí; ³Pa-si-hō·jīⁿ, A-má-lī-ngá, Má-ki-ngá; ⁴Hap-tút, Sī-pa-nī, Má-lók; ⁵Hap-līm, Bí-lī-boát, Gô-pa-tí-a; ⁶Tān-í-lí, Kūn-tùn, Pa-liók; ⁷Bí-su-lân, A-pí-ngá, Bí-ngá-bîn; ⁸Má-se-a, Phek-kai, Sī-má-ngá; téng-bîn chiah-ê sī chè-si. ⁹Koh ū Lī-bī lāng; chiū-sī A-sàn-nī ê kiáⁿ Iā-su-a, Hi-ná-tát ê kiáⁿ Pin-loē, Kah-biát; ¹⁰iáu-ū in ê hiaⁿ-tī Sī-pa-nī, Hô-tē-ngá, Kī-lī-tha, Pí-lāi-ngá, Hap-lân; ¹¹Bí-ka, Lī-háp, Hap-sa-pí-ngá; ¹²Sat-khek, Sī-lī-pí, Sī-pa-nī; ¹³Hô-tē-ngá, Pa-nī, Pí-nī-lô·. ¹⁴Koh ū peh-siⁿ ê thâu-lāng; chiū-sī Pa-liók, Pa-hap-mô·-ap, Í-lân, Sat-thó·, Pa-nī; ¹⁵Pò·nī, Ap-kap, Pí-pài; ¹⁶A-to-nī-ngá, Pí-kek-oá-i, A-teng; ¹⁷A-ték, Hi-se-ka, Ap-sok; ¹⁸Hô-tē-ngá, Hap-sūn, Pí-sài; ¹⁹Hap-láh, A-ná-tút, Nī-pài; ²⁰Boat-pí-ap, Bí-su-lân, Hi-sek; ²¹Bí-sī-sat-piát, Sat-tok, Ap-tō·-a; ²²Pí-láh-thê, Hap-lân, A-nāi-ngá; ²³Hô-sè-a, Hap-ná-nī-ngá, Hap-sút; ²⁴Hap-lô-hek, Pí-lī-hap, Sok-pek; ²⁵Lī-hông, Hap-sa-ná, Má-se-ngá; ²⁶A-hi-ngá, Hap-lân, A-lân; ²⁷Má-lók, Hap-līm Pa-ná.

²⁸Kī-ū ê peh-siⁿ, chè-si, Lī-bī lāng, kò·mng-ê, chhiūⁿ-koa-ê, Nī-thê-lêng, í-kíp it-chhè kap liát-pang ê peh-siⁿ keh-khui lâi kui-hók Siōng-tè ê lút-hoat ê, kap in ê bó·, in

ê kiáⁿ, in ê cha-bó·-kiáⁿ, kīⁿ oē hiáu-tit oē bêng-pék--ê; ²⁹lóng kiát-liân in ê hiaⁿ-tī in ê kùi-chók, chiū-chó· chiū-choā beh chun-thàn Siōng-tè ê lút-hoat, chiū-sī Siōng-tè ê lô·pók Mô·se só· thoān-siū--ê, chip-siú chun-thàn Iā-hô-hoa lán ê Chú it-chhè kài-bêng hoat-tō·, lút-lē; ³⁰iā bô beh chiong goán ê cha-bó·-kiáⁿ phòe hō· chit só·-chāi ê peh-siⁿ, iā bô beh ūi goán ê kiáⁿ chhoā in ê cha-bó·-kiáⁿ; ³¹chit só·-chāi ê peh-siⁿ, nā tī an-hioh-jit toā hē-mih á-sī ngó·-kok lâi boē, goán tī an-hioh-jit á-sī sèng-jit, goán bô beh kā in boē; kàu tē-chhit nī bô beh cheng-choh; kīⁿ-nā khiàm-goán-ê bô beh kā i thó.

³²Goán koh ūi ka-kī tiāⁿ-tiòh lē, ták-nī ták-lāng tiòh lāp siá-khek-lék ê saⁿ-hūn-chit, choē goán ê Siōng-tè tiān ê lō·-êng; ³³chiū-sī ūi-tiòh pài-liát ê piáⁿ, kap siōng-siōng hiàn ê sò·-chè, kap siōng-siōng hiàn ê sio-chè, kap an-hioh-jit, gēh ê chhoe-it, kap choeh-kī só· hiàn ê, kap sèng ê mih, í-kíp siók-choē ê chè, chiū-sī ūi Í-sek-liát lāng siók-choē--ê, í-kíp goán Siōng-tè tiān-lāi it-chhè ê lō·-êng. ³⁴Goán chiah ê chè-si, Lī-bī lāng, kap peh-siⁿ liam-khau, chiàu goán ê chong-chók, tī ták-nī tiāⁿ-tiòh ê sī, toā hiàn-chè ê chhā kàu goán Siōng-tè ê tiān, sio tī Iā-hô-hoa goán Siōng-tè ê toāⁿ, chiàu lút-hoat só· kī-chài-ê; ³⁵koh ták-nī chiong goán toē-chiūⁿ khí-thâu sèk ê thó·-sán, kap ták-hō chhiū khí-thâu sèk ê ké-chí, toā kàu Iā-hô-hoa ê tiān; ³⁶koh chiàu lút-hoat só· kī-chài, chiong goán ê kiáⁿ kap cheng-siⁿ khí-thâu siⁿ-ê, í-kíp gū-kūn iūⁿ-kūn khí-thâu siⁿ--ê, toā kàu goán Siōng-tè ê tiān, kàu goán Siōng-tè ê tiān-lāi teh hók-sāi ê chè-si; ³⁷iā chiong goán khí-thâu chhut ê bēh-hún, í-kíp goán ê kú-chè ê lé-mih, kap ták-iūⁿ chhiū ê ké-chí, sin-chiú, kap iū, toā hō· chè-si, siu-jlp tī goán Siōng-tè

ê tiān ê khò·pâng; chiong goán toē-chiūⁿ só· siu-sêng ê, chấp-hūn-chít hō· Lī-bī lāng, in-ūi Lī-bī lāng tī goán it-chhè chhut thó·sán ê siāⁿ, tit-tiòh chấp-hūn-chít. ³⁸Lī-bī lāng chhú chấp-hūn-chít ê sī, A-lūn ê kiáⁿ-sun tiong ê chè-si tiòh ū chít-ê kap Lī-bī lāng tī-teh; Lī-bī lāng iā tiòh chiong chấp-hūn-chít ê chấp-hūn-chít toà kàu goán Siōng-tè ê tiān, kàu pâng-keng, siu-jīp hú-khò·. ³⁹In-ūi Í-sek-liát lāng kap Lī-bī lāng, tiòh ēng in kú-chè ê ngó·kok, sin-chiú, kap iū, toà kàu siu-khng sèng-só· ê khí-kū ê pâng-keng, chiū-sī tam-tng chít ê chè-si, kò·mng--ê, chhiūⁿ-koa--ê, só· tiām ê pâng-keng; án-ni goán chiū bô beh pàng-sak goán Siōng-tè ê tiān.

11 Peh-siⁿ hiah ê siú-léng tiām tī Iā-lō·sat-léng; kī-ū ê peh-siⁿ liam-khau, múi chấp-lāng-tiong hō· chít-lāng lāi tiām tī sèng-siāⁿ Iā-lō·sat-léng, hí káu-ê tiām tī pát ê siāⁿ. ²Kīⁿ-nā ka-kī kam-goān lāi tiām tī Iā-lō·sat-léng--ê, peh-siⁿ lóng ká in chiok-hok.

³Í-sek-liát lāng, chè-si, Lī-bī lāng, Nī-thê-lēng, kap Só·lô-būn lô·pók ê hō·-è, lóng tiām tī Iū-tāi hiah ê siāⁿ, ták-ê tiām tī in ê giáp, in ê siāⁿ; pún-séng ê thâu-lāng, tiām tī Iā-lō·sat-léng ê, kì tī ē-bīn. ⁴Iū-tāi ê kiáⁿ-sun, kap Piān-ngá-bín ê kiáⁿ-sun, ū-ê tiām tī Iā-lō·sat-léng. Siók Iū-tāi ê kiáⁿ-sun; Hoat-lék-su ê hō·-è, O·se-ngá ê kiáⁿ A-tha-ngá, O·se-ngá sī Sat-ka-lī-ngá ê kiáⁿ, Sat-ka-lī-ngá sī A-má-lī-ngá ê kiáⁿ, A-má-lī-ngá sī Sī-hoat-thê-ngá ê kiáⁿ, Sī-hoat-thê-ngá sī Má-lék-liát ê kiáⁿ; ⁵koh ū Pa-liók ê kiáⁿ Má-se-ngá, Pa-liók sī Kok-hô-se ê kiáⁿ, Kok-hô-se sī Hap-sài-ngá ê kiáⁿ, Hap-sài-ngá sī A-tāi-ngá ê kiáⁿ, A-tāi-ngá sī Iok-ngá-líp ê kiáⁿ, Iok-ngá-líp sī Sat-ka-lī-ngá ê kiáⁿ, Sat-ka-lī-ngá sī Sī-lô-lāng ê kiáⁿ.

⁶Hoat-lék-su ê kiáⁿ-sun tiām tī Iā-lō·sat-léng

ê, kiōng ū sī-pah lāk-cháp-poeh ê ióng-sū.

⁷Siók Piān-ngá-bín kiáⁿ-sun ê; ū Bí-su-lān ê kiáⁿ Sat-lō·, Bí-su-lān sī Iok-iáp ê kiáⁿ, Iok-iáp sī Pí-tāi-ngá ê kiáⁿ, Pí-tāi-ngá sī Ko-nāi-ngá ê kiáⁿ, Ko-nāi-ngá sī Má-se-ngá ê kiáⁿ, Má-se-ngá sī Í-thiat ê kiáⁿ, Í-thiat sī Iā-sai-a ê kiáⁿ. ⁸I ê tè-āu ū Ka-pài, Sat-lāi, kiōng káu-pah jī-cháp-poeh lāng. ⁹Sè-ki-lī ê kiáⁿ Iok-jīⁿ sī in ê koaⁿ-tiúⁿ; Hap-se-lô·-a ê kiáⁿ Iū-tāi choè hit ê siāⁿ ê hū-koaⁿ.

¹⁰Siók chè-si--ê ū Iok-ngá-líp ê kiáⁿ Iā-tāi-ngá, Ngá-kun; ¹¹iáu ū koán-lí Siōng-tè ê tiān ê Se-lāi-ngá, Se-lāi-ngá sī Hi-lék-ka ê kiáⁿ, Hi-lék-ka sī Bí-su-lān ê kiáⁿ, Bí-su-lān sī Sat-tok ê kiáⁿ, Sat-tok sī Bí-láh-iok ê kiáⁿ, Bí-láh-iok sī A-hi-tút ê kiáⁿ; ¹²iáu ū in ê hiaⁿ-tī tī tiān-lāi tam-tng chít ê, kiōng poeh-pah jī-cháp-jī lāng; koh ū Iā-lô-hán ê kiáⁿ A-tāi-ngá, Iā-lô-hán sī Pí-láh-lī ê kiáⁿ, Pí-láh-lī sī Âm-sé ê kiáⁿ, Âm-sé sī Sat-ka-lī-a ê kiáⁿ, Sat-ka-lī-a sī Pa-si-hō·-jīⁿ ê kiáⁿ, Pa-si-hō·-jīⁿ sī Má-ki-ngá ê kiáⁿ; ¹³iáu ū i ê hiaⁿ-tī choè chók-tiúⁿ--ê, nng-pah sī-cháp-jī lāng; koh ū A-sat-liát ê kiáⁿ A-má-soè, A-sat-liát sī A-hap-sài ê kiáⁿ, A-hap-sài sī Bí-sít-lī-boát ê kiáⁿ, Bí-sít-lī-boát sī Im-bék ê kiáⁿ; ¹⁴iáu ū in ê hiaⁿ-tī toā koān-lēng ê ióng-sū, kiōng chít-pah jī-cháp-poeh lāng; Hap-ki-to-līm ê kiáⁿ Sat-pa-tē-giáp sī in ê koaⁿ-tiúⁿ.

¹⁵Lī-bī lāng tiong, ū Hap-sút ê kiáⁿ Sī-má-ngá, Hap-sút sī Ap-lī-kam ê kiáⁿ, Ap-lī-kam sī Hap-sa-pí-ngá ê kiáⁿ, Hap-sa-pí-ngá sī Pò·nī ê kiáⁿ; ¹⁶koh ū Lī-bī lāng ê thâu-lāng, Sa-pí-thài kap Iok-sat-poát, koán-lí Siōng-tè tiān ê goā-sū. ¹⁷Tī kī-tó kám-siā chhoā-thâu sī Bí-ka ê kiáⁿ Má-tha-nī, Bí-ka sī Sat-tí ê kiáⁿ, Sat-tí sī A-sat ê kiáⁿ; koh ū Má-tha-nī hiaⁿ-tī; koh ū Pat-pò·-ka tī i ê hiaⁿ-tī-tiong choè

tē-jī-ê; iáu ū Sa-bó·-a ê kiáⁿ Ap-tāi, Sa-bó·-a sī Ka-láh ê kiáⁿ, Ka-láh sī Iā-tō·-tùn ê kiáⁿ.

¹⁸Tī sèng-siāⁿ tiong ê Lī-bī làng, kiōng nng-pah poeh-cháp-sì làng.

¹⁹Kò·mng--ê A-kok, kap Tát-bùn, kap in ê hiaⁿ-tī teh siú-mng--ê, kiōng chit-pah chhit-cháp-jī làng. ²⁰Ki·û ê Í-sek-liát làng, chè-si, Lī-bī làng, tiàm tī Iū-tāi ták ê siāⁿ, ták-lâng tī in ê giáp ê toē. ²¹Chóng-sī Nī-thê-lêng tiàm tī Gô-húi-lék; Se-hap kap Ki-su-phàⁿ choè Nī-thê-lêng ê thâu.

²²Bí-ka ê goân-sun, Má-tāi-nī ê cheng-sun, Hap-sa-pì ê sun, Pa-nī ê kiáⁿ O·se, tī Iā-lō·sat-léng koán Lī-bī làng, i sī chhiūⁿ-koa--ê A-sat ê kiáⁿ-sun, koán-lí Siōng-tè tiān ê sū-bū. ²³In-ūi ông ūi-tiòh in lâi chhut bēng-lēng, ták-jit ū tiāⁿ-tiòh ê hūn-giáh kiong-kip hiah ê chhiūⁿ-koa ê làng. ²⁴Iū-tāi ê kiáⁿ Siā-láh ê kiáⁿ-sun, Bí-sī-sat-piát ê kiáⁿ Pí-tha-hi-ngá, tī ông ê pō·hā pān-lí Iū-tāi peh-siⁿ it-chhê ê sū.

²⁵Lūn-kàu hiah ê huiⁿ-siā kap in ê chhân-toē, ū Iū-tāi làng tiàm tī Ki-liát-a-pa kap i ê huiⁿ-siā, Tí-pún kap i ê huiⁿ-siā, Í-pa-kah-siat kap i ê huiⁿ-siā; ²⁶koh tī Iā-su-a, Mô·láh-tāi, Pek-phān-liát; ²⁷Hap-sat-su-a, Piát-sī-pa kap i ê huiⁿ-siā; ²⁸koh tī Sé-kek-láh, Bí-ko-ná kap i ê huiⁿ-siā; ²⁹koh tī Im-līm-bùn, Só-láh, Iā-boát, Sat-lô-a, A-tō·lân kap in ê huiⁿ-siā, Láh-kiat kap i ê chhân-toē, A-se-ka kap i ê huiⁿ-siā. In só· tiàm ê toē-hng, sī tui Piát-si-pa kàu Him-lùn ê soaⁿ-kok. ³¹Piān-ngá-bín làng tui Ka-pa khí, tiàm tī Bit-boat, A-ngá, Pek-ték-lī, kap i ê huiⁿ-siā; ³²A-ná-tút, Lô-pek, A-lân-ngá; ³³Hā-só, Láh-má, Ki-tha-im; ³⁴Hap-tiáp, Sé-phian, Nī-pat-láh; ³⁵Lô-tek, O-lô, kang-chhiūⁿ ê soaⁿ-kok. ³⁶Lī-bī làng ê tiong-kan, ū kúi-nā pan tiàm tī Iū-tāi

ê, taⁿ kui tī Piān-ngá-bín.

12 Kap Sat-láh-thiat ê kiáⁿ Só·lô-pa-pek, kap Iā-su-a, tâng chiūⁿ-lâi ê chè-si kap Lī-bī làng kì tī ē-toé; Se-lâi-ngá, Iā-lī-bí, Í-su-láh; ²A-má-lī-ngá, Má-lók, Hap-tút; ³Sī-ka-nī, Lī-hông, Bí-lī-boát; ⁴Ēk-to, Kūn-tùn, A-pí-ngá; ⁵Bí-ngá-bîn, Má-tí-ngá, Phek-ka; ⁶Sī-má-ngá, Iok-ngá-líp, Iā-tāi-ngá; ⁷Sat-lō·, A-bók, Hi-lék-ka, Iā-tāi-ngá. Chiah ê làng tī Iā-su-a ê sī choè chè-si kap in hiaⁿ-tī ê thâu.

⁸Lī-bī làng Iā-su-a, Pin-loē, Kah-biát, Sī-lī-pí, Iū-tāi, Má-tha-nī; chit ê Má-tha-nī kap i ê hiaⁿ-tī koán-lí o-ló kám-siā ê sū. ⁹In ê hiaⁿ-tī Pat-pò·ka kap O·nī, chiàu in ê pan-liát, kap in saⁿ-tùi. ¹⁰Iā-su-a siⁿ Iok-ngá-kim, Iok-ngá-kim siⁿ Í-lī-a-sít, Í-lī-a-sít siⁿ Iā-hô-iā-tāi, ¹¹Iā-hô-iā-tāi siⁿ Iok-ná-tan, Iok-ná-tan siⁿ Ap-tō·-a.

¹²Tī Iok-ngá-kim ê sī, chè-si choè chók-tiúⁿ ê, Se-lâi-ngá chók ū Bí-láh-ngá; Iā-lī-bí chók, ū Hap-ná-nī-ngá; ¹³Í-su-láh chók ū Bí-su-lân; A-má-lī-ngá chók, ū Iok-hap-lân; ¹⁴Bí-lī-kó·chók, ū Iok-ná-tan; Sī-pa-nī chók, ū Iok-sek; ¹⁵Hap-lím chók, ū Ap-ná; Bí-láh-iok chók, ū Hi-lék-khái; ¹⁶Ēk-to chók, ū Sat-ka-lī-a; Kūn-tùn chók, ū Bí-su-lân; ¹⁷A-pí-ngá chók, ū Sè-ki-lī; Bí-ná-bîn chók, Mô·a-tí chók, ū Pí-lék-thài; ¹⁸Phek-ka-chók, ū Sa-bó·-a; Sī-má-ngá chók, ū Iok-ná-tan; ¹⁹Iok-ngá-líp chók, ū Má-ték-nái; Iā-tāi-ngá chók, ū O·se; ²⁰Sat-lái chók, ū Ka-lái; A-bók chók, ū Hi-pek; ²¹Hi-lék-ka chók, ū Hap-sa-pí-ngá; Iā-tāi-ngá chók, ū Ná-thán-giáp.

²²Lūn-kàu Lī-bī làng, tng Í-lī-a-sít, Iā-hô-iā-tāi, Iok-hap-lân, Ap-tō·-a ê sī, in ê chók-tiúⁿ lóng ū kì-miā, chè-si iā sī án-ni, tit-kàu Pho-su ông Tāi-lī-o· ê sī. ²³Lī-bī làng choè chók-tiúⁿ--ê, kì tī lék-tāi ê chheh, kàu Í-lī-a-

sít ê kiáⁿ Iok-hap-lân ê sî. ²⁴Lī-bī lāng chók-tiúⁿ Hap-se-pí-ngá, Sī-lī-pí, Kah-biát ê kiáⁿ Iā-su-a, kap in ê hiaⁿ-tī saⁿ-tùi, chít-pan chít-pan saⁿ-ngê teh o-ló kám-siā, chiàu Siōng-tè ê lô·pók Tāi-pít só· bēng-lēng-ê. ²⁵Má-tha-nī, Pat-pò·ka, Gô-pa-tí-a, Bí-su-lân, Tát-bûn, A-kok, sī kò·mng--ê, chiū-sī kò·siú siāⁿ-mng ê khò·pāng. ²⁶Chiah-ê lóng sī tī Iok-sat-tát ê sun Iā-su-a ê kiáⁿ Iok-ngá-kim ê sî, kap chóngtok Nī-hi-bí kap chè-si keng-hák-sū Í-su-láh ê sî.

²⁷Tng Iā-lō·sat-léng siāⁿ-chhiūⁿ hōng-hiàn ê sî, in khi Lī-bī lāng só· tiām ê só·chāi chhē in, beh toà in kàu Iā-lō·sat-léng, beh ēng hoaⁿ-hí, kám-siā, chhiūⁿ-koa, kau-poah, toāⁿ-sek, toāⁿ-khim kiāⁿ hōng-hiàn ê lé. ²⁸Chhiūⁿ-koa--ê tùi Iā-lō·sat-léng sì-ûi ê pīⁿ-iūⁿ, kap tùi Nī-tô-hoat ê huiⁿ-siā lâi chū-chíp; ²⁹koh tùi Pek-kiat-kah, iā tùi Ka-pa kap Ap-má-hut ê chhân lâi; in-ûi chhiūⁿ-koa-ê, tī Iā-lō·sat-léng sì-ûi ûi ka-kī kiàn-llp huiⁿ-siā. ³⁰Chè-si Lī-bī lāng chheng-khì ka-kī iā chheng-khì peh-siⁿ, í-kip siāⁿ-mng siāⁿ-chhiūⁿ.

³¹Goá chhoā Iū-tāi hiah ê siú-léng chiūⁿ siāⁿ-chhiūⁿ-téng, pun o-ló kám-siā--ê choè nng toā-tui; chít-tui tī siāⁿ-téng tùi chiāⁿ-pēng nng pūn-sò mng khi; ³²tè tī in ê āu-bīn-ê ū Hô-sa-ngá, kap Iū-tāi siú-léng ê chít-poāⁿ; ³³koh ū A-sat-lī-ngá, Í-su-láh, Bí-su-lân, Iū-tāi, Piān-ngá-bín, Sī-má-ngá, Iā-lī-bí; ³⁵koh ū chè-si ê kiáⁿ kúi-nā lāng kiáh hō-thâu ê, Iok-ná-tan ê kiáⁿ Sat-ka-lī-a, Iok-ná-tan sī Sī-má-ngá ê kiáⁿ, Sī-má-ngá sī Má-tha-nī ê kiáⁿ, Má-tha-nī sī Bí-kai-a ê kiáⁿ, Bí-kai-a sī Sat-khek ê kiáⁿ, Sat-khek sī A-sat ê kiáⁿ; ³⁶kap i ê hiaⁿ-tī Sī-má-ngá, A-sat-lī, Bí-láh-lái, Kí-láh-lái, Má-ai, Ná-thán-giáp, Iū-tāi, Hap-ká-nī,

lóng thêh Siōng-tè ê lô·pók Tāi-pít ê gák-khì; keng-hák-sū Í-su-láh choè in ê thâu-chēng. ³⁷In tī chú·i-choāⁿ mng ê tui-bīn, tui Tāi-pít siāⁿ ê kiā-á-chàn chiūⁿ-khì, chiū-sī chiūⁿ siāⁿ-chhiūⁿ ê só·chāi, sī Tāi-pít ông-kiong ê téng-bīn, nng tang khi kàu chú·i-mng.

³⁸Tē-jī tui o-ló kám-siā ê lāng beh kiāⁿ khi kap hí chít-tui saⁿ tú-tiòh, goá kap peh-siⁿ ê chít-poāⁿ kun-tè in, tī siāⁿ-chhiūⁿ-téng keng-kè hé-lô· ê lâu, kàu khoan-khoah ê siāⁿ-chhiūⁿ, ³⁹koh kè Í-hoat-liân ê mng, kú ê mng, Hī ê mng, Hap-lâm-giáp ê lâu, Hap-bí-a ê lâu, kàu Iūⁿ-mng, chiū theng-kha khiā tī hō·oē ê mng. ⁴⁰Tui án-ni chít nng-tui o-ló kám-siā ê lāng, khiā tī Siōng-tè ê tiān, liân goá kap koaⁿ-tiúⁿ ê chít-poāⁿ iā tī-hia khiā; ⁴¹iáu-ū chè-si Í-lī-a-kim, Má-se-ngá, Bí-ná-bīn, Bí-kai-ngá, Í-lī-iok-nái, Sat-ka-lī-a, Hap-lâm-nī-a, lóng kiáh hō-thâu; ⁴²koh ū Má-se-ngá, Sī-má-ngá, Í-lī-a-sat, O-se, Iok-hap-lân, Má-ki-ngá, Í-lân, kap Í-siā. Chhiūⁿ-koa-ê kap in ê thâu-lāng Í-su-láh-hi-ngá lóng toā-siāⁿ chhiūⁿ. ⁴³Hit-jit cheng-lāng hiàn toā chè-sū koh hoaⁿ-hí; in-ûi Siōng-tè hō· in toā hoaⁿ-hí khoài-lòk; hū-jīn-lāng kap gín-ná iā lóng hoaⁿ-hí, tì-kàu Iā-lō·sat-léng hoaⁿ-hí ê siaⁿ thiaⁿ kàu hng-hng.

⁴⁴Tng hit-jit phài lāng koán-lí khò·pāng, ūi-tiòh hē-chāi, kú-chè ê mih, khí-thâu sèk ê; kap só· chhú ê cháp-hūn-chít, tui ták ê siāⁿ ê chhân-bó·, chiàu lút-hoat só· tiāⁿ-tiòh siu lâi kiong-kip chè-si kap Lī-bī lāng ê hūn-giáh, lóng khng tī hí lai-bīn. Iū-tāi lāng in-ûi chè-si kap Lī-bī lāng tam-tng chít chiū hoaⁿ-hí. ⁴⁵In siú in ê Siōng-tè só· kau-tài--ê, iā siú só· kau-tài in chheng-khì ê lē; chhiūⁿ-koa--ê, kò·mng-ê, iā án-ni choè, chiàu Tāi-pít kap i ê kiáⁿ Só·lô-bûn ê bēng-lēng. ⁴⁶In-ûi chá tī Tāi-pít

kap A-sat ê jít ũ gák-kong koán-lí chhiùⁿ-koa--ê, í-kíp o-ló kám-siā Siōng-tè ê si-koa. ⁴⁷Tng Sók-lô-pa-pek ê jít, kap Nî-hi-bí ê jít, Í-sek-liát cheng-lâng chiong ták-jít eng-kai ê hūn-giáh, kiong-kip chhiùⁿ-koa--ê, kò-m̄ng--ê, iā hun-piat m̄h choè-seng lāi kiong-kip Lī-bī lāng; Lī-bī lāng iā hun-piat m̄h choè-seng lāi kiong-kip A-lūn ê kiáⁿ-sun.

13 Hit-jít lāng thak Mô-se ê chheh hō-peh-siⁿ thiaⁿ, tú-tiōh chheh-lāi ũ kì kóng, A-būn lāng kap Mô-ap lāng éng-oán boē-tit-thang jíp Siōng-tè ê hoē; ²in-ūi in bô ēng chiáh-m̄h kap chúi, lāi ngiā-chih Í-sek-liát lāng, hoán-túg chhiàⁿ Pa-lān lāi chiū-chó[·] in; chóng-sī goán ê Siōng-tè hō hit ê chiū-chó[·] piàn-choè chiok-hok. ³In thiaⁿ-kìⁿ lút-hoat liáu-āu, chiū tui Í-sek-liát tiong pun-khui hiah ê chấp-chók ê lāng.

⁴Chit ê tãi-chì í-cheng, koán-lí goán Siōng-tè tiān-lāi ê pāng-keng ê chè-si Í-lī-a-sít kap To-pí-ngá kiát-bēng; ⁵chiū ũi-tiōh i pī-pān chít-keng toā keng pāng. Chēng tī hit keng siu-khng sò-chè, jú-hiuⁿ, khi-kū, kap chiàu-lē kiong-kip Lī-bī lāng, chhiùⁿ-koa--ê, kò-m̄ng--ê, ngó-kok, sin-chiú, kap iū ê chấp-hūn-chít, kap kui hō chè-si kú-chè ê m̄h. ⁶Tng hit-sī goá bô tī Iā-lō-sat-léng; in-ūi Pa-pí-lūn ông A-tát-siat-se saⁿ-cháp-jī nī, goá oat-khì ông hia; kè kúi-nā jít goá tui ông kò-kè. ⁷Goá kàu Iā-lō-sat-léng chiū chai Í-lī-a-sít ũi To-pí-ngá só[·] kiáⁿ ê pháiⁿ-tāi, tī Siōng-tè tiān ê t̄n-lāi, ũi i pī-pān chít-keng pāng. ⁸Goá chiū chin pek-pak, chiong To-pí-ngá it-chhè ê ka-khì, lóng tui pāng-lāi hiat chhut-khì; ⁹goá chhut bēng-lēng, lāng chiū chheng-khì hiah ê pāng-keng; jiān-āu goá chiong Siōng-tè tiān-lāi ê khi-kū, kap sò-chè, jú-hiuⁿ, koh poaⁿ--jíp-lāi.

¹⁰Goá iā chai Lī-bī lāng só[·] eng-kai tit-tiōh

ê hūn-giáh bô hō in, tì-kàu tam-tng chit ê Lī-bī lāng, kap chhiùⁿ-koa--ê, ták-ê tò-khì in ê chhân-hng. ¹¹Goá chiū chhut-lát chek-pī hiah ê koaⁿ-tiúⁿ, kā in kóng, Siōng-tè ê tiān siáⁿ-sū pāng hong-hoē ah? goá chiū chū-chíp Lī-bī lāng, hók-tò in ê goān-jīm. ¹²Tui án-ni Iū-tāi ê cheng-lāng chiong ngó-kok, sin-chiú, kap iū ê chấp-hūn-chít, toā jíp khò-pāng. ¹³Goá siat-líp chè-si Sī-lī-bí-ngá, keng-hák-sū Sat-tok, kap Lī-bī lāng Pí-tāi-ngá choè khò-pāng ê koaⁿ, koán-lí khò-pāng; hù-koaⁿ sī Hap-lān, Hap-lān sī Sat-khek ê kiáⁿ, Sat-khek sī Má-tha-nī ê kiáⁿ; in-ūi khoàⁿ chí kúi lāng sī chīn-tiong; in ê chit-hūn sī hun-hoat m̄h hō in ê hiaⁿ-tī. ¹⁴Goá ê Siōng-tè ah, kiū Lí in-ūi chit ê sū tiōh kì-liām goá, bók-tit chhat-siau goá ũi-tiōh Siōng-tè ê tiān, kap kí-tiong hiah ê tián-lé, só[·]-kiáⁿ ê hó-sū.

¹⁵Tng hiah ê jít goá tī Iū-tāi khoàⁿ-kìⁿ lāng tī an-hioh-jít táh chiú-khut, poaⁿ tiū-khún, koh hō lū chà; koh ēng chiú, phū-tô, bû-hoa-kó, kap ták-iūⁿ ê tàⁿ, tī an-hioh-jít taⁿ jíp Iā-lō-sat-léng; goá chiū tī in boē chiáh-m̄h hit-jít, chek-pī in. ¹⁶Koh ũ chhui-lô lāng tiām tī hí tiong-kan, toā hī kap ták-iūⁿ ê hē-m̄h, tī an-hioh-jít boē hō Iū-tāi lāng, tī Iā-lō-sat-léng. ¹⁷Goá chiū chhut-lát chek-pī Iū-tāi hiah ê kúi-chók, kā in kóng, Lín kiáⁿ chit hō pháiⁿ kan-hoān an-hioh-jít sī siáⁿ-sū ah? ¹⁸Chēng lín ê liát-chó[·] kiám bô án-ni kiáⁿ, lán ê Siōng-tè kiám bô chiong chit-ê it-chhè ê chai-ē līm-kàu lán kap chit ê siáⁿ mah? Taⁿ lín iáu-kú hoān-tiōh an-hioh-jít, hō siū-khì līm-kàu Í-sek-liát it-hoat siong-tiōng.

¹⁹Tī an-hioh-jít chēng Iā-lō-sat-léng siáⁿ-m̄ng hông-hun ê sī, goá chiū bēng-lēng lāng koaiⁿ-m̄ng, koh bēng-lēng an-hioh-jít bē kè-sin m̄-thang khui; goá phài goá kúi-nā ê lô-

pók koán-lí siáⁿ-m̄ng, bián-tit ū lāng tī an-hioh-jít taⁿ sím-mih tàⁿ jíp-lái. ²⁰Tùi án-ni seng-lí lāng, kap hoàn-boē ták-hāng hē-mih ē, chít n̄ng pái hioh-mī tī Iá-lō·sat-léng ē siáⁿ-goā. ²¹Goá chiū chek-pī in kóng, Lín siáⁿ-sū hioh-mī tī siáⁿ-m̄ng-kháu ah? nā koh án-ni, goá beh hē chhiú liáh lín. Tùi chit-tiáp í-āu, in tī an-hioh-jít bô koh lái. ²²Goá bēng-lēng Lī-bī lāng chheng-khì ka-kī, lái kò·siú siáⁿ-m̄ng, hō· an-hioh-jít choè-sēng. Goá ē Siōng-tè ah, kiū Lí in-ūi chit ē sū lái kì-liām goá, chiàu Lí ē toā chū-pi lái thiàⁿ-sioh goá.

²³Tng hiah ē jít goá iā khoàⁿ-kìⁿ Iū-tāi lāng chhoā A-sít-tút, A-būn, Mō·ap ē cha-bó·kiáⁿ choè bó·. ²⁴In ē kiáⁿ-jī kóng-oē, chit-poàⁿ kóng A-sít-tút ē oē, boē hiáu kóng Iū-tāi ē oē, só· kóng-ē chiū-sī chiàu ták-chók ē khiuⁿ. ²⁵Goá chiū toā-toā chek-pī in, mē in, phah in kúi-nā lāng, chhoah in ē thâu-m̄ng, kah in kí Siōng-tè lái chiū-choā, kóng, Lín m̄-thang ēng ka-kī ē cha-bó·kiáⁿ kè hō· in ē kiáⁿ, iā m̄-thang ūi lín ē kiáⁿ, lín pún-sin, chhoā in ē cha-bó·kiáⁿ. ²⁶Í-sek-liát ông Sók·lô-būn kiám-m̄-sī tī chit hō sū hoān-choē mah? tī choē-choē kok ē tiong-kan bô chit ē ông chhin-chhiūⁿ i, koh tit-tiòh i ē Siōng-tè thiàⁿ i, Siōng-tè siat-lip i choè Í-sek-liát choān-kok ē ông; chóng-sī goā-pang ē cha-bó·kiáⁿ siōng-chhiáⁿ hō· i hoān-choē. ²⁷Án-ni goán kiám thèng lín kiáⁿ chit-hō toā-pháiⁿ, chhoā goā-pang ē lú-chú, kan-hoān lán ē Siōng-tè mah?

²⁸Chè-si-thâu Í-lī-a-sít ē sun, Iá-hô-iā-tāi ē kiáⁿ, ū chit-ē sī Hô-lūn lāng chham-pa-láh ē kiáⁿ-sài; goá chiū koáⁿ i lī-khui goá. ²⁹Goá ē Siōng-tè ah, kiū Lí kì-tit in; in-ūi in phah lâ-sâm chè-si ē chit, poē chè-si Lī-bī lāng ē iok.

³⁰Án-ni goá kā in tū-khì it-chhè goā-pang

lāng ē khoán, koh siat-lip chè-si kap Lī-bī lāng ē pan, kok chīn in ē chit; ³¹liáu-lí tiāⁿ-tiòh kí sio-chè ē chhâ, í-kíp khí-thâu sék ē thó·-sán. Goá ē Siōng-tè ah, kiū Lí kì-liām goá, siúⁿ-sù goá hok-khì.